

Actividades de VERÁN 2018



Concello de  Oleiros

www.oleiros.org

MINICAMPAMENTOS

Descrición:

Cos Minicampamentos abrimos as portas do tempo libre no medio natural para todos os picariños e picariñas que teñan aproximadamente entre 3 e 6 anos de idade. En concreto para os nenos nados entre o **2014 e o 2015** os **Mini3**, e os **Mini5 para os nados entre o 2013 e o 2012**.

Son campamentos en versión “mini”, onde o que de verdade é grande é a diversión, as aventuras e as experiencias que axuden ao seu desenvolvemento san e á súa autonomía.

Este ano as actividades estarán relacionadas coas plantas da nosa contorna e achegarémonos ao seu mundo e á súa presenza nos nosos bosques e ríos..., fomentando unha actitude positiva cara ao noso medio natural, ademais de educar na convivencia e no respecto aos demais, o xogo e o contacto coa natureza serán imprescindibles. Estas actividades educativas pretenden proporcionarlles aos nenos e ás nenas diversión, aventuras e experiencias que favorezan a súa autonomía e a adquisición de hábitos saudables. Pequenos campamentos que educan na convivencia e na socialización, nos que o xogo e o contacto coa natureza son os protagonistas.

Temporalización:

As actividades terán lugar en no CEIP Isidro Parga Pondal, Sta. Cruz de Liáns.

- **Mini3 Os ourizos da horta:** 27 e 29 de xuño (25 prazas)
- **Mini3 Os raposos do camiño:** 8 ao 10 de agosto (25 prazas)
- **Mini5 As baleas azuis:** 16 ao 20 de xullo (25 prazas)
- **Mini5 Os lobos da serra:** 20 ao 24 de agosto (25 prazas)



Dous formatos distintos:

- **Mini 3:** Son tres días de actividade sen facer noite con horario de 10:00 h a 17:00 h.
- **Mini 5:** Neste caso o horario do campamento é de 10:00 h a 19:00 h, ata o 4º día no que teñen a posibilidade de quedarse a durmir nas tendas. O último día, son recollidos polas familias ás 13:00 h.

Destinatarios/as

Nesta experiencia poderán participar os pequenos e pequenas que teñan entre 3 e 6 anos de idade, aínda que **recomendamos os Mini 3 para aqueles nenos e nenas de 3 a 4 anos** nados entre xullo de 2014 e agosto de 2015, e os **Mini 5 para os “maiores”, de 5 e 6 anos** nados entre xullo de 2012 e agosto de 2013.

Obxectivos:

- Aprender xogando.
- Fomentar a convivencia e o respecto mutuo, a través de actividades colectivas.
- Achegarse ao coñecemento do seu contorno máis próximo.
- Promover actitudes de conservación e respecto do medio ambiente.
- Educar en hábitos de alimentación saudable.



CAMPAMENTOS



Descrición:

A evolución lóxica dos Minicampamentos que corresponde ao nivel de maduración dos/as cativos/as, son os campamentos e excursións curtas para nenos e nenas que teñan nacido entre o 2008 e o 2011. Avanzamos na adquisición de hábitos saudables e na diversión colectiva. Os grandes xogos, a convivencia e as actividades relacionadas coa avifauna en Galicia, favorecendo o seu coñecemento e conservación en permanente contacto coa natureza, serán o cerne dos “campas”.

Horario:

- 1º e 2º día: de 10:00 h a 19:00 h.
- 3º e 4º día: completos, facendo noite nas tendas.
- 5º día: recollidos polas familias ás 13:00 h.

Destinatarios/as

Nesta experiencia poderán participar os nenos e nenas **nacidos entre o ano 2008 e o 2011**.

Obxectivos:

- Ofrecer alternativas divertidas e saudables ao tempo libre dos nenos e das nenas.
- Educar para a convivencia, a cooperación e o respecto cos/as compañeiros/as.
- Investigar sobre os valores naturais e histórico-artísticos do medio inmediato.
- Promover actitudes de conservación e respecto do medio ambiente.
- Educar na consecución de hábitos alimenticios saudables.



Temporalización:

As actividades terán lugar no CEIP Isidro Parga Pondal, Sta. Cruz de Liáns.

- **Campamento Punta do Corvo:** do 2 ao 6 de xullo (30 prazas)
- **Campamento Illa do Castelo:** 30 de xullo ao 3 de agosto (30 prazas)



EXCURSIÓNS DE VERÁN



Descrición:

Despois de que os nenos e as nenas gozasen de actividades preto da súa contorna (Minicampamentos e campamentos), propoñemos a posibilidade de participar en tres excursións a tres fermosos espazos naturais, para que coñezan lugares espectaculares e de grande interese ambiental onde vivir aventuras inesquecibles.

Así pois, aos nenos e ás nenas que naceron entre o ano 2008 e o 2011, propoñémoslles un destino clásico nas nosas programacións, as **Fragas do Eume**, un dos bosques atlánticos mellor conservados de toda Europa moi preto da nosa casa, e nun dos equipamentos máis interesantes de Galicia, o **albergue Alvarella**.

Para os mozos e mozas que naceron entre o ano 2004 e 2007, propoñemos a excursión **Mar de Lira - Carnota**, onde terán a oportunidade de achegarse á costa de Muros, Carnota, Lira...como lugar máxico e de lendas..., e vilas mariñeiras onde o contacto coas súas xentes e paisaxes, sempre é lembrado cun sorriso. Unha forma diferente de gozar dun anaco de costa das máis fermosas do mundo...



Destinatarios/as

Para **Mar de Lira** poden inscribirse rapaces e rapazas que nacesen entre o ano **2004 e o ano 2007**. Para os que nacesen entre o ano **2008 e o ano 2011**, propoñemos unha excursión moi preto de nós: ás **Fragas do Eume**.

Obxectivos:

- Descubrir as características máis definidoras a nivel natural, xeográfico e cultural das comarcas visitadas.
- Promover a convivencia e a socialización do grupo.
- Ofrecer novos xeitos de aprender en contacto directo co medio.
- Promover actitudes de conservación e respecto do medio ambiente.
- Educar na consecución de hábitos alimenticios saudables.



Temporalización:

- **Se naciches entre o ano 2004 e o 2007 (de 11 a 14 anos):**

Excursión Mar de Lira - Carnota: do 9 ao 13 de xullo (27 prazas).

- **Se naciches entre o ano 2008 e o 2011 (de 7 a 10 anos):**

Excursión Fragas do Eume: do 16 ao 18 de agosto (40 prazas).

HORTAS NO VERÁN

Descrición:

Despois de case dúas décadas desenvolvendo o programa de Hortas Escolares, estamos convencidos todos os axentes educadores que participamos nel, que a horta constitúe un gran xacemento de recursos educativos. O seu potencial vén dado pola riqueza de temáticas que se poden tratar na súa realización, con multitude de experiencias e vivencias, contidos pedagóxicos (conceptos, procedementos, actitudes, valores) e a forza de conexión co medio natural e social do medio máis próximo.

Non se trata dunha parcela na que cultivamos tomates ou leitugas, senón que debemos entendela como un espazo no que imos tratar unha serie de contidos encamiñados a desenvolver as capacidades dos nenos e das nenas.

Por outra banda, o gran número de recursos didácticos que suxire o traballo ao aire libre, ver como medran as plantas grazas ao noso traballo... son razóns suficientes para realizar esta actividade que constitúe un recurso educativo moi interesante. Ademais este ano faremos unha visita ao mercado de Perillo para aprender algo máis da horta e da alimentación saudable.

Temporalización:

- Primeira quenda: do 2 ao 13 de xullo, de luns a venres.

- ◆ CEIP R.Mª del Valle- Inclán: de 10:30 h a 11:30 h (20 prazas)
- ◆ Escola infantil As Galeras: de 12:00 h a 13:00 h (20 prazas)

- Segunda quenda: do 30 de xullo ao 10 de agosto, de luns a venres.

- ◆ Escola infantil As Galeras: de 10:30 h a 11:30 h (20 prazas)
- ◆ CEIP R.Mª del Valle-Inclán: de 12:00 h a 13:00 h (20 prazas)



Destinatarios/as

Nenos e nenas que teñan **cumpridos entre os tres e os seis anos**.

Obxectivos:

- Desenvolver capacidades de exploración e investigación na horta.
- Familiarizarse co mundo das verduras, hortalizas, legumes..., estimulando un achegamento afectivo e positivo.
- Estimular a iniciativa e a autonomía dos/as picariños/as nas tarefas da hortiña.
- Coñecer o proceso de sementeira, plantación e coidados posteriores, básicos na horta.
- Estimular a afectividade cara ao consumo dos produtos comestibles que nos proporciona a horta.



FESTAS "ALGO GUAPO"



Descrición:

Esta actividade supón unha oportunidade para todos os rapaces e rapazas que participaron nos campamentos, excursións e hortas de verán de reencontrarse nun contexto festivo, de lembrar as súas aventuras estivais.

Durante dúas tardes de sábados teremos unha proxección audiovisual coas mellores imaxes do verán, unha actuación artística e unha pequena merenda de convivencia.



Destinatarios/as

Nesta actividade poderán participar todos os **rapaces e rapazas que participaron na programación de verán do Servizo Municipal de Educación.**

Obxectivos:

- Reforzar os lazos afectivos entre as persoas participantes.
- Promover a convivencia e o respecto entre a veciñanza.
- Fomentar actitudes sas no uso do tempo libre.
- Entreter e divertir as persoas participantes durante unha tarde de setembro.



Temporalización:

Cada festa Algo Guapo celebrárase no **Centro Municipal de Formación Isaac Díaz Pardo** na urbanización **Os Regos** e comprende unha tarde de sábado da seguinte forma:

- Para os rapaces e as rapazas de **Campamentos e Excursións**, o **8 de setembro de 17:00 h a 19:00 h.**

- Para os rapaces e as rapazas de **Mini 3 e Mini 5** e as **Hortas de verán**, o **1 de setembro de 17:00 h a 19:00 h.**

Nota: Non hai limitacións de prazas, nin custo


REUNIÓNs INFORMATIVAS



Reunións informativas das Actividades de Verán 2018 do Servizo Municipal de Educación para as familias.

Coa intención de facilitar ás familias calquera información relativa ás actividades anteriormente descritas sobre: desenvolvemento, programación, material, horarios, educadores/as, seguros, transporte, alimentación, actividades..., están programadas as seguintes reunións **no auditorio da Fábrica en Sta. Cristina.**

- **Campamentos (7-10 anos):** mércores **20 de xuño** ás **20:00 h**
- **Excursión ás Fragas do Eume:** mércores **20 de xuño** ás **20:45 h**
- **Mini 3 e Mini 5:** xoves **21 de xuño** ás **20:15 h**
- **Excursión Mar de Lira:** xoves **21 de xuño** ás **21:15 h**



KAIK EN SANTA CRUZ



Descrición:

Orientada fundamentalmente ao aspecto recreativo, a través das actividades no kaiak de mar. A súa distribución será en cursos intensivos de 5 sesións cada un (10 horas). En cada curso ofertaranse 16 prazas. **É obrigatorio saber nadar.**

Lugar de realización:

Esta actividade realizarase nas **instalacións náuticas da praia de Santa Cruz**, situadas debaixo da pasarela de acceso ao castelo.

Convén levar posto:

Traxe de baño, camiseta de cambio ou lycra, chancletas ou escarpíns e toalla.



Destinatarios/as

Para mozos/as nacidos/as entre **2004 e 2008**.

Obxectivos:

- Aproveitar e gozar do tempo de lecer en contacto co medio natural.
- Aprender a realizar as manobras de control e seguridade na embarcación.
- Transmitir valores a través do deporte como o desenvolvemento das capacidades físicas e motrices, a disposición ao esforzo persoal e ás capacidades sociais, o traballo en equipo, a solidariedade e a tolerancia.
- Coñecer as normas fundamentais de seguridade sobre o kaiak e a prevención de riscos.
- Coñecer a praia de Santa Cruz e a súa contorna costeira e procurar a súa conservación e respecto.

Temporalización:

Meses de xullo e agosto. De **luns a venres**, en horario de **11:30 a 13:30 horas**. Realizaranse un total de 8 quendas durante o verán nas instalacións náuticas da praia de Santa Cruz.

- **1º quenda:** do 25 ao 29 de xuño
- **2ª quenda:** do 2 ao 6 de xullo
- **3º quenda:** do 9 ao 13 de xullo
- **4º quenda:** do 16 ao 20 de xullo
- **5º quenda:** do 30 de xullo ao 3 de agosto
- **6º quenda:** do 6 ao 10 de agosto
- **7º quenda:** do 20 ao 24 de agosto
- **8º quenda:** do 27 ao 31 de agosto



SURF EN BASTIAGUEIRO



Descrición:

Cursos de iniciación ao surf de 10 horas cada un, de **luns a venres de 12:00 a 14:00 h.**

O Concello achegará todo o material necesario (táboas e traxes). **É obrigatorio saber nadar.**

Lugar de realización:

Na instalación náutica da praia de Bastiagueiro.

Convén levar posto:

Traxe de baño, camiseta de cambio ou lycra, chancletas e toalla.



Temporalización:

- **1ª quenda:** do 25 ao 29 de xuño
- **2ª quenda:** do 9 ao 13 de xullo
- **3ª quenda:** do 6 ao 10 de agosto
- **4ª quenda:** do 20 ao 24 de agosto

Destinatarios/as

Para mozos/as nacidos/as entre **2001 e 2004.**

Obxectivos:

- Destacar na práctica diaria o factor lúdico. A diversión debe ser prioritaria para crear afección e gusto pola actividade deportiva.
- Experimentar un xeito de mellorar as capacidades condicionais de forza, resistencia, coordinación, equilibrio e flexibilidade.
- Dar as ferramentas elementais para que ao rematar o curso o alumnado adquira as nocións básicas do surf, así como o seu material e manexo.
- Coñecer a praia de Bastiagueiro (formación de olas, correntes...) normas de seguridade, riscos e precaucións.
- Educar na consecución de hábitos de conservación e respecto do medio ambiente.



CAMPUS MULTIDEPORTE



Descrición:

As actividades incluídas nos Campus multideporte pretenden aproveitar a recreación deportiva como ferramenta na ocupación do tempo de lecer, así como descubrir e dar a coñecer actividades e instalacións con posibilidades de práctica dentro do noso concello e contorna. Cada campamento durará unha semana e ofertará ata 30 prazas cada un. **O horario habitual será de luns a venres, de 10:00 a 14:00 horas.**

É obrigatorio saber nadar.

Pregamos puntualidade á hora de deixar e recoller os/as participantes, tanto nas paradas do bus como no propio pavillón.

Lugar de realización:

O punto de encontro será o pavillón polideportivo municipal de Bastiagueiro situado na rúa Uxío Novoneyra s/n, Bastiagueiro- Liáns (GPS: N 43º 20' 23'' W 8º 21' 02''); desde alí, e segundo o programa diario, desprazaranse as persoas participantes en autobús ata o lugar da actividade.

Recomendacións:

Como norma xeral para as actividades multideportivas é necesario vestir roupa deportiva e cómoda, tamén é recomendable traer crema solar e viseira. A media mañá faremos un pequeno descanso para repórter forzas polo que é aconsellable traer algo para comer (por exemplo unha peza de froita e auga).

Transporte:

Realizarase un percorrido de autobús polo termo municipal de Oleiros para recoller os/as alumnos/as e deixalos posteriormente nas paradas (agás algunha xornada puntual que matizaremos no programa). É obrigatorio especificar na inscrición, da maneira máis precisa posible, o lugar da parada que se solicita, tanto de ida como de volta. O transporte conta con servizo de acompañante. **A listaxe cos horarios e paradas de autobús serán enviadas ao correo electrónico facilitado na inscrición e tamén poderán ser consultadas no Servizo Municipal de Deportes o xoves anterior ao comezo de cada campamento.**

Convén levar posto:

- Unha mochila pequena para gardar unha botella de auga e outras cousas.
- Calzado pechado e cómodo para camiñar e facer as actividades multideportivas.
- Roupas cómodas e axeitadas ao tempo atmosférico.
- Gorra ou pucho para o sol.
- Botella de auga e peza de froita.
- Crema protectora para as/os nenas/os.
- Traxe de baño, gorro, chancletas e toalla para a sesión de xogos acuáticos.
- Traxe de baño, camiseta de cambio ou lycra, chancletas e toalla nas sesións de surf e kaiak.



CAMPUS MULTIDEPORTE



A estrutura dos cinco días estará deseñada de forma que se realicen unha ampla variedade de actividades multideportivas que a continuación nomeamos a xeito orientativo (poderá sufrir cambios en función da meteoroloxía):

Campus multideporte para nacidos/as entre 2011 e 2012

- **Luns:** xogos deportivos
- **Martes:** xogos populares e xogos acuáticos
- **Mércores:** xogos de loita e xincana deportiva na praia
- **Xoves:** escalada e patinaxe
- **Venres:** olimpíadas alternativas na praia
- **1ª quenda:** do 9 ao 13 de xullo

Campus multideporte para nacidos/as entre 2007 e 2008

- Luns:** xogos deportivos
- Martes:** escalada e patinaxe
- Mércores:** orientación-sendeirismo en Dexo
- Xoves:** paseo a cabalo e xogos acuáticos
- Venres:** surf e rugby na praia
- **1ª quenda:** do 2 ao 6 de xullo
- **2ª quenda:** do 16 ao 20 de xullo
- **3ª quenda:** do 27 ao 31 de agosto

Campus multideporte para nacidos/as entre 2009 e 2010

- Luns:** xogos deportivos
- Martes:** orientación e xogos acuáticos
- Mércores:** xogos de loita e xincana deportiva na praia
- Xoves:** escalada e camas elásticas no parque Megajump
- Venres:** olimpíadas alternativas na praia
- **1ª quenda:** do 25 ao 29 de xuño
- **2ª quenda:** do 6 ao 10 de agosto
- **3ª quenda:** do 20 ao 24 de agosto

Campus multideporte para nacidos/as entre 2004 e 2006

- Luns:** xogos deportivos
- Martes:** escalada e patinaxe
- Mércores:** parkour e actividades circenses na sala de usos múltiples do INEF
- Xoves:** sendeirismo e kaiak nas Fragas do Eume
- Venres:** surf e rugby na praia
- **1ª quenda:** do 30 de xullo ao 3 de agosto



CAMPUS MULTIDEPORTE



Descrición das actividades:

■ Xogos deportivos

Propoñemos unha serie de actividades deportivas nas que se traballará a resistencia, a velocidade, os lanzamentos e recepcións, a forza, os saltos e a flexibilidade.

■ Xogos populares

Os rapaces e as rapazas redescubrirán os xogos da cultura popular galega: chave, ra, buxainas, carreira de sacos, brilé...

■ Xogos acuáticos

As persoas participantes gozarán de xogos predeportivos adaptados ao medio acuático nun ambiente lúdico. Esta actividade farémola na piscina municipal de Dorneda. Será necesario levar o seguinte material: gorro, traxe de baño, chancletas e toalla.

■ Xogos de loita

Na praia de Bastiagueiro (en función da meteoroloxía). Iniciaremos as persoas participantes na práctica das habilidades básicas de loita coas técnicas básicas nun ambiente lúdico e de respecto aos compañeiros e compañeiras.

■ Xincana deportiva

Na praia de Bastiagueiro (en función da meteoroloxía). Os nenos e nenas participarán en circuitos de habilidades mediante probas por equipos.



■ Xogos con patíns

Aproveitaremos para que poidan aprender a patinar de maneira autónoma. Convén traer calcetíns altos que cubran a zona do patín. Se ten patíns ou proteccións propias, pode traelas.



■ Escalada deportiva

Dotaremos dos coñecementos básicos: materiais a utilizar, características e normas de seguridade. Terán a oportunidade de tocar e coñecer o material básico da escalada deportiva. A actividade será no rocódromo do propio pavillón de Bastiagueiro.

■ Olimpíadas alternativas

Na praia de Bastiagueiro (en función da meteoroloxía). Os nenos e nenas poderán competir entre grupos en deportes tradicionais coñecidos, pero adaptados para as súas idades e moito máis motivadores.

■ Carreira de orientación

Iniciación á orientación deportiva onde poderán manexarse co mapa. Faremos unha pequena carreira de orientación coas balizas e pinzas propias deste deporte.

CAMPUS MULTIDEPORTE



■ MegaJump

Visitaremos este parque con camas elásticas onde poderemos iniciar actividades de ximnasia deportiva. Non é necesario levar material adicional, simplemente roupa deportiva.

■ Orientación e sendeirismo en Dexo

Aproveitaremos o entorno natural da costa de Dexo para facer unha pequena ruta de sendeirismo desde a pista cuberta ata as furnas. Alí os nenos e nenas poderán xogar co material propio de orientación nunha gran carreira con probas.

■ Surf

Na praia de Bastiagueiro (en función da meteoroloxía). Facilitaremos todo o material necesario: táboas de surf, traxes e lycras, aínda que se ten material propio pode levalo. Será necesario traer o seguinte material: traxe de baño, chancletas e toalla.

■ Rugby

Na praia de Bastiagueiro (en función da meteoroloxía). Iniciaremos os/as participantes na práctica do rugby sen contacto adaptado para o xogo na praia.

■ Paseo a cabalo

Visitaremos o centro hípico da Finca Regueiral de Pademe. As persoas participantes gozarán do mundo do cabalo e darán un pequeno paseo montadas en grupos reducidos. Ao finalizar faremos unha pequena comida co que leven os/as participantes e bañaremonos na piscina descuberta de Pademe que está preto da finca. **A volta será no pavillón ás 18.00 h. Non teremos servizo de bus para repartir nas paradas.**

■ Parkour

Actividade consistente en desprazarse dun punto a outro, superando os obstáculos existentes. Practicaremos os movementos básicos de desprazamentos e saltos buscando fluidez e orixinalidade na sala de usos múltiples do INEF Galicia.

■ Actividades circenses

Pequena práctica con material específico de actividades circenses. Os mozos/as poderán ter unha primeira toma de contacto e demostrar as súas habilidades e destrezas.

■ Sendeirismo e kaiak nas Fragas do Eume

Faremos unha pequena ruta de sendeirismo dentro das Fragas do Eume, pararemos a comer co que leven os mozos/as e a continuación montaremos nos kaiaks ata o punto de orixe. Facilitaremos todo o material necesario: kaiaks, palas e chalecos. Será necesario traer o seguinte material: camiseta ou lycra de cambio, traxe de baño, chancletas e toalla. **A chegada será ás 18:30 h no pavillón e non teremos servizo de reparto nas paradas.**



ESCOLA DE ARTES PLÁSTICAS



Descrición:

Unha escola de artes plásticas na que o papel, as pinturas e o barro, entre outros materiais, convértese en elementos que axudan a despertar a sensibilidade artística nos máis pequenos/as, ao tempo que pasan un momento agradable con outros nenos e nenas. Unha oportunidade de aproveitamento de forma lúdica e creativa do tempo de lecer.

Temporalización:

Mes de xullo:

- **1ª quenda:** 10 sesións do **2 ao 13 de xullo** de luns a venres, de 10:00 a 12:00 horas, na **Casa da Cultura de Perillo**
- **2ª quenda:** 10 sesións do **2 ao 13 de xullo** de luns a venres, de 12:00 a 14:00 h, na **Casa da Cultura de Perillo**
- **3ª quenda:** 10 sesións do **16 ao 30 de xullo** de luns a venres, de 10:00 a 12:00 h, na **Casa do Pobo de Nós**
- **4ª quenda:** 10 sesións do **16 ao 30 de xullo** de luns a venres, de 12:00 a 14:00 h, na **Casa do Pobo de Nós**

Mes de agosto:

- **5ª quenda:** 10 sesións do **1 ao 14 de agosto** de luns a venres, de 10:00 a 12:00 horas, no **Centro Cívico de Santa Cruz**
- **6ª quenda:** 10 sesións do **1 ao 14 de agosto** de luns a venres, de 12:00 a 14:00 h, no **Centro Cívico de Santa Cruz**

Destinatarios/as

Actividade dirixida a rapaces e rapazas nados entre os anos **2006 e 2014**.

Obxectivos:

- Achegar aos nenos e nenas diversos materiais para que a través deles se expresen e ao mesmo tempo aprendan algunhas técnicas básicas para o seu manexo.
- Xogar cos volumes, as proporcións, a textura e as cores dos distintos materiais utilizados e agudizar as percepcións e a sensibilidade artística.
- Enfocar a formación, a aprendizaxe e a experimentación artística desde unha perspectiva de enxeño e creatividade vinculada á reciclaxe e á educación medioambiental, dando renda solta á imaxinación e empregando unha diversidade de materiais, entre os que se incluírán materiais de refugallo, aos que outorgaremos un sentido e unha funcionalidade.

Prazas:

Serán 15 participantes por cada quenda, en total **90 prazas**.

Lugar de realización:

Diferentes instalacións municipais: Casa da Cultura de Perillo, Casa do Pobo de Nós e Centro Cívico de Santa Cruz.



OBRADOIRO DE TEATRO INFANTIL



Descrición:

Obradoiro infantil de iniciación ao xogo teatral no que os nenos e nenas tomarán contacto co xogo físico teatral, cos xogos de relación e a creación de personaxes, o coñecemento do espazo escénico e os diferentes estilos teatrais de actuación.

Prazas:

30 prazas, 15 participantes en cada quenda.

Lugar de realización:

Teatro das Torres, en Santa Cruz.

Destinatarios/as

Rapaces e rapazas nados entre os anos **2006 e 2011**.

Obxectivos:

- Mediante a realización de xogos e actividades, preténdese desenvolver a expresión corporal e verbal, estimular a creatividade e a imaxinación e aprender a colaborar co grupo nun ambiente lúdico e distendido de ocio creativo, mellorando a autoestima, a confianza e a socialización.



Temporalización:

1ª quenda-xullo: 10 sesións do **2 ao 13 de xullo**
de luns a venres, de 10:30 a 12:00 horas

2ª quenda-agosto: 10 sesións do **1 ao 14 de agosto**
de luns a venres de 10:30 a 12:00 horas



OBRADOIRO DE TEATRO XUVENTIL



Descrición:

Obradoiro dirixido a rapaces e rapazas que se inician no teatro ou que xa teñen certa experiencia e no que se inclúe xogo físico teatral, xogos de relación e a creación de personaxes, coñecemento do espazo escénico e diferentes estilos teatrais de actuación.



Prazas:

30 prazas, 15 participantes en cada quenda.

Lugar de realización:

Teatro As Torres, en Santa Cruz.

Temporalización:

1ª quenda-xullo: 10 sesións do 2 ao 13 de xullo de luns a venres, de 12:00 a 13:30 horas


2ª quenda-agosto: 10 sesións do 1 ao 14 de agosto de luns a venres de 12:00 a 13:30 horas

Destinatarios/as

Rapaces e rapazas nados entre os anos 2000 e 2005.

Obxectivos:

■ Utilizando distintas técnicas teatrais, buscárase que o alumnado descubra o maior número posible de ferramentas que comprende o traballo teatral. Para acadar este obxectivo, traballárase a expresión corporal e oral, a colocación no escenario, a manifestación de sentimentos, a improvisación e moitas outras técnicas. Tamén se procurará que o alumnado se acostume a traballar en equipo, aceptando as ideas alleas e aprendendo a expoñer e defender as propias para poder chegar a un consenso e así crear distintas escenas de forma colectiva. O obxectivo final é que o alumnado estimule a creatividade, mellore a autoestima e a confianza e adquira certas habilidades necesarias para poder representar unha pequena improvisación.



OBRADOIRO DE OLERÍA INFANTIL



Descrición:

Obradoiro infantil de iniciación nas técnicas básicas da olería.

Destinatarios/as

Actividade dirixida a rapaces e rapazas nados entre **2006 e 2011**.



Obxectivos:

■ O obxectivo principal é o achegamento lúdico á obra cerámica, especialmente a olería. Aprender a xogar coas texturas e volumes e a utilizar dun xeito divertido diferentes instrumentos de transformación do material.

Ao tratarse dun obradoiro de iniciación, os nenos e nenas participantes poderán coñecer o seguimento de todo o proceso de creación dunha peza: construción, modelado, decoración, secado, cocción. Nunha cocción final poderán comprobar os resultados dos traballos realizados durante as clases.

Prazas:

30 prazas, 15 participantes en cada quenda.

Lugar de realización:

Alfar das Torres, en Santa Cruz.

Temporalización:

1ª quenda-xullo: 10 sesións do **2 ao 13 de xullo**
de luns a venres, de 12:00 a 13:30 horas

2ª quenda-agosto: 10 sesións do **1 ao 14 de agosto**
de luns a venres de 12:00 a 13:30 horas



OBRADOIRO DE OLERÍA XUVENIL



Descrición:

Obradoiro xuvenil de iniciación nas técnicas básicas da olería.



Destinatarios/as

Rapaces e rapazas nados entre os anos **2000 e 2005**.

Obxectivos:

■ O obxectivo principal é o achegamento lúdico á obra cerámica, especialmente á olería creativa. Ao tratarse dun obradoiro de iniciación, os participantes poderán coñecer o seguimento de todo o proceso de creación dunha peza: construción, modelado, decoración, secado, cocción. Nunha cocción final poderán comprobar os resultados dos traballos realizados durante as clases. Trátase de acadar unha visión xeral das posibilidades que ofrece a cerámica nas súas diferentes técnicas e de incentivar a creatividade e o gusto polas manifestacións artísticas, fomentando o respecto polos oficios tradicionais. Poderán aprender os conceptos elementais de coñecemento de materias primas, procesos, estilos, etc.

Prazas:

30 prazas, 15 participantes en cada quenda.

Lugar de realización:

Alfar das Torres, en Santa Cruz.

Temporalización:

1ª quenda-xullo: 10 sesións do **2 ao 13 de xullo**
de luns a venres, de 10:30 a 12:00 horas

2ª quenda-agosto: 10 sesións do **1 ao 14 de agosto**
de luns a venres de 10:30 a 12:00 horas




OBRADOIRO DE ILUSTRACIÓN E NARRATIVA VISUAL



Descrición:

A ilustración e a banda deseñada constitúen dous elementos fundamentais na formación artística e expresiva dos/as máis pequenos/as, polo que esta actividade se formula como un obradoiro de ilustración e narrativa visual que entende o debuxo como linguaxe universal e ferramenta de crecemento individual e intelectual.



Temporalización:

10 sesións do 16 ao 30 de xullo de luns a venres,
de 10:30 a 12:00 horas

Destinatarios/as

Rapaces e rapazas nados entre os anos
2006 e 2011.

Obxectivos:

■ Este obradoiro pretende dar a coñecer e profundar nos principios e medios da ilustración e a súa aplicación práctica, a narrativa visual, a documentación gráfica e literaria, os materiais técnicos da ilustración, as técnicas de cor tradicional, os elementos narrativos da ilustración e a banda deseñada e inclúe distintos proxectos de prácticas de ilustración e banda deseñada.

Prazas:

15 prazas.

Lugar de realización:

Centro Cultural As Torres, en Santa Cruz.



OBRADOIRO DE ILUSTRACIÓN E BANDA DESEÑADA



Descrición:

A ilustración e a banda deseñada constitúen dous elementos fundamentais na formación artística e expresiva dos máis pequenos e o enfoque desta experiencia radica no/a neno/a: deseñamos personaxes para reflexionar sobre o aspecto e a psicoloxía das persoas, mergullámonos no debuxo de personaxes históricos para coñecer mellor o noso pasado, realizamos murais grupais para practicar o traballo cooperativo, ou aprendemos noções sobre o cómic para abrir o noso espectro de futuros lectores/as.

Destinatarios/as

Rapaces e rapazas nados entre os anos 2006 e 2011.

Prazas:

15 prazas.

Lugar de realización:

Centro Cultural As Torres, en Santa Cruz.

Temporalización:

10 sesións do 20 ao 31
de agosto de luns a venres,
de 10:30 a 12:00 horas

Obxectivos:

■ Os obradoiros son dinámicos, diferentes cada día, e mesmo procurando nalgún momento variar de espazos (debuxo no exterior, caderno de campo...) para estimular a creatividade, e promover a observación da realidade (que non sempre está entre catro paredes).

Un dos obxectivos primordiais é o de dar respostas persoais a casuísticas persoais: en ocasións nenos e nenas con dificultades atopan na creación plástica a vía para canalizar a súa enerxía e a súa expresión. As propias dinámicas dos cursos tratan de incidir para crear unha atmosfera envolvente, que axude a todos e todas a fortalecer as súas capacidades e autoestimas.



OBRADOIRO DE COCIÑA EDUCATIVA E CREATIVA



Descrición:

Obradoiro de cociña educativa e creativa desde unha perspectiva lúdica e harmoniosa coa natureza e a educación para a saúde onde os nenos e nenas descubrirán deliciosas e orixinais receitas, profundando na importancia dunha correcta alimentación, os hábitos de consumo e a manipulación dos alimentos.



Prazas:

30 prazas, 15 participantes en cada quenda.

Lugar de realización:

Centro Cultural As Torres, en Santa Cruz.

Temporalización:

1ª quenda-xullo: 10 sesións do **16 ao 30 de xullo**
de luns a venres, de 12:00 a 13:30 horas

2ª quenda-agosto: 10 sesións do **20 ao 31 de agosto**
de luns a venres, de 12:00 a 13:30 horas

Destinatarios/as

Rapaces e rapazas nados entre os anos **2006 e 2011**.

Obxectivos:

- Descubrir novos alimentos, novas maneiras de comer e combinar produtos xa coñecidos e novos sabores de culturas gastronómicas de diferentes lugares, traballando a diversidade cultural e viaxando a través dos sabores.

Coñecer a importancia do coidado do medio ambiente en relación á alimentación e á procedencia dos alimentos, poñendo en contacto a cociña coa natureza nunha relación harmoniosa e sensible coa nosa contorna.

Desenvolver a capacidade creativa, a paciencia e o autocontrol, orde e limpeza, a capacidade de traballo en equipo e a cooperación.



OBRADOIRO DE RADIO



Descrición:

Iniciación ao mundo da radio, onde os mozos e mozas participantes traballarán sobre aspectos xerais da locución e das técnicas de expresión, amosarán a súa pericia perante o micro, a mesa de mesturas e demais equipos técnicos, así como tamén aprenderán a levar a cabo distintos programas radiofónicos (entrevistas, debates, “magazine”...)

Destinatarios/as

Mozos e mozas nados entre **2000 e 2006**.

Obxectivos:

- Iniciar os participantes no mundo da radio. Ensinaranse truco para a locución, pasando polas nocións de son, software de gravación e edición de audio, truco para atraer os oíntes e desenvolverán un programa de radio.



Prazas:


15 prazas.

Lugar de realización:

Aula da Escola Municipal de Música, na Fábrica.

Temporalización:

Martes e xoves do **3 ao 26 de xullo** en horario de 10:00 a 12:30 horas



OBRADOIRO DE CURTAMETRAXES



Descrición:

Iniciación ao mundo da curtametraxe, tratando unha base teórica do guión á vez que se dan a coñecer os conceptos básicos da linguaxe audiovisual: plano, encadramento, posta en escena, son... Rematando coa gravación dunha curtametraxe.

Destinatarios/as

Mozos e mozas nados entre **2000 e 2006**.

Obxectivos:

- Iniciar as persoas participantes no mundo das curtametraxes, da creación de historias audiovisuais e da súa linguaxe.



Prazas:

12 prazas.

Lugar de realización:

Salón de actos do Centro Municipal de Formación Isaac Díaz Pardo.

Temporalización:

De luns a venres do **16 ao 27 de xullo**, agás o **25 de xullo que é festivo**. En horario de 11:00 a 12:30 horas



OBRADOIRO DE ROBÓTICA E PROGRAMACIÓN



Descrición:


Unha introdución ao mundo da robótica a través da iniciación á programación, pasando de ser de simples consumidores a creadores de proxectos propios dentro da actividade.

Prazas:

12 prazas por quenda.

Lugar de realización:

Aula de informática do Centro Municipal de Formación Isaac Díaz Pardo.




Destinatarios/as

Mozos e mozas nados entre **2000 e 2006**.

Obxectivos:

- Aprender a usar unha plataforma electrónica, coa que poder programar, creando circuitos e construíndo pezas ata chegar a poñer en funcionamento proxectos propios.



Temporalización:

1ª quenda: de luns a venres do **2 ao 6 de xullo**
de 11:00 a 13:00 horas

2ª quenda: de luns a venres do **9 ao 13 de xullo**
de 11:00 a 13:00 horas

OBRADOIRO DE DESEÑO GRÁFICO

Descrición:

Introdución no mundo do deseño gráfico e dos programas habituais desta modalidade, deseñando e desenvolvendo a súa creatividade e creando ilustracións propias.

Prazas:

12 prazas.

Lugar de realización:

Aula de informática do Centro Municipal de Formación Isaac Díaz Pardo.

Destinatarios/as

Mozos e mozas nados entre **2000 e 2006**.

Obxectivos:

- Fomentar a creatividade, crear deseños propios, introducirse dentro do mundo do deseño gráfico.



Temporalización:

De luns a venres do **16 ao 27 de xullo**, agás o **25 de xullo que é festivo**. En horario de 11:00 a 12:30 horas

OBRADOIRO DE FOTOGRAFÍA



Descrición:

Introdución no mundo da fotografía aprendendo a controlar o modo manual e os modos semiautomáticos das cámaras dixitais, para facer unha correcta exposición da luz, adquirindo, coñecementos de composición fotográfica e aprendendo a manexar os programas de edición para facer un tratamento da imaxe no ordenador. Ao final do curso farase unha exposición das fotografías escollidas polo alumnado.

Prazas:

15 prazas.

Lugar de realización:

Aula do Centro Municipal de Formación Isaac Díaz Pardo.

Destinatarios/as

Mozos e mozas nados entre **2000 e 2006**.

Obxectivos:

- Introducirse no mundo da fotografía, aprender o uso da cámara e dos programas de edición dixital.



Temporalización:

De luns a venres do **2 ao 13 de xullo** en horario de 10:30 a 12:00 horas

CALENDARIO DE INSCRICIÓN 2018

*Para persoas
empadroadas no
Concello de Oleiros*

Do 27 de abril ao 4 de maio: preinscrición

Do 8 ao 10 de maio: publicación de listas e reclamacións

O 11 de maio: sorteo público

15 maio: publicación de listas definitivas

Do 18 ao 25 maio: pagamento e entrega de documentación

O 29 de maio: publicación de vacantes

A partir do 30 de maio: inscrición libre para prazas vacantes, presencialmente e por orde de chegada no Centro Cultural A Fábrica, ate un límite de 6 trámites por persoa e turno.

A preinscrición poderá realizarse:

- 1) Na web municipal www.oleiros.org, na sede electrónica (non é necesario estar rexistrado/a).
- 2) Na conserxería do centro cultural A Fábrica (Perillo) de luns a venres de 8.00 a 15.00 horas.

■ Admitirase unha única solicitude por persoa e nela poderán marcarse ata un máximo de 3 actividades, indicando a orde de preferencia. Na carpeta cidadá a orde de preferencia virá determinada pola orde de inscrición.

■ No caso de querer facer calquera modificación respecto á solicitude inicial será requisito imprescindible dirixirse persoalmente á conserxería do centro cultural A Fábrica, unicamente durante o período de preinscrición e no horario indicado.

■ Se alguén presentara máis dunha solicitude co mesmo nome a través da sede electrónica daríase como válida a última presentada.

■ No caso de haber máis solicitantes que prazas resolverase por sorteo público o venres 11 de maio ás 13.00 h, no auditorio do centro cultural A Fábrica.

■ No caso de que unha persoa resulte admitida nunha actividade e teña irmáns ou irmás solicitantes de praza na mesma actividade, e coa mesma orde de prioridade, estes últimos incorporaranse á lista de admitidos/as, sempre que o permitan as características propias de cada actividade.

■ As situacións de acollemento familiar, separación ou divorcio nas que os/as menores non consten como empadroados/as, deben ser

comunicadas mediante correo electrónico durante o período de preinscrición.

■ Unha vez admitidos/as informarase na web municipal e na conserxería do centro cultural A Fábrica (Perillo) das instrucións de pagamento e formalización de praza.

■ No caso de estar admitido/a nunha actividade poderase solicitar o envío por correo electrónico da documentación para formalizar a inscrición e efectuar o pagamento, así como as instrucións para efectuar o pago a través da pasarela electrónica.

■ Para formalizar a inscrición será imprescindible achegar persoalmente ou por correo electrónico o xustificante do pagamento de todas as actividades dentro dos correspondentes prazos de pagamento e entrega de documentación. En caso contrario perderase o dereito da reserva.

■ Quen pretenda acollerse a algunha bonificación (Servizos Sociais, familia numerosa...) deberán acreditalo previamente á solicitude do pagamento na conserxería da Fábrica.

■ Unha vez rematado o período de preinscrición, e ata o 5 de xuño, poderase proceder á anulación daquelas actividades nas que non se acadara un número suficiente de participantes.

TÁBOA DE PREZOS DAS DISTINTAS ACTIVIDADES

Actividades de ENSINO	Prezo
Mini 3	42,00 €
Mini 5	73,00 €
Campamentos	81,00 €
Excursións Fragas do Eume	99,00 €
Excursións Mar de Lira	175,00 €
Hortas de Verán	9,00 €

Actividades de DEPORTES	Prezo
Kaiak	18,00 €
Surf	36,00 €
Campus Multideporte	44,00 €

Actividades de CULTURA	Prezo
Escola de Artes Plásticas	26,00 €
Obradoiro de Teatro infantil	26,00 €
Obradoiro de Teatro Xuvenil	26,00 €
Obradoiro de Ilustración e Narrativa Visual	26,00 €
Obradoiro de Ilustración e Banda Deseñada	26,00 €
Obradoiro de Cociña Educativa e Creativa	26,00 €
Obradoiro de Olería Infantil	23,00 €
Obradoiro de Olería Xuvenil	23,00 €

Actividades de XUVENTUDE	Prezo
Obradoiro de Radio	43,00 €
Obradoiro de Curtas	40,00 €
Obradoiro de Robótica e Programación	55,00 €
Obradoiro de Fotografía	70,00 €
Obradoiro de Deseño Gráfico	69,00 €

ACTIVIDADES

ACTIVIDADES

*As miñas actividades
de verán preferidas:*

As minhas notas

Todas as actividades, organizámolas
para ti desde o:

■ **Servizo Municipal de Educación**

ensino@oleiros.org

Tel.: 981 636 598

■ **Departamento de Cultura**

cultura@oleiros.org

Tel.: 981 636 598

■ **Servizo Municipal de Deportes**

deportes@oleiros.org

Tel.: 981 636 598

■ **Centro de Información Xuvenil**

xuventude@oleiros.org

Tel.: 981 636 598

Concello de  Oleiros

www.oleiros.org